

საქართველოს რესპუბლიკის შინაგან საქმეთა მინისტრის

ბ რ ძ ა ნ ე ბ ა №750

1996 წლის 19 სექტემბერი

ქ. თბილისი

შინაგან საქმეთა ორგანოებთან არსებული, ადმინისტრაციულ პატიმრობაში მყოფ პირთა მოსათავსებელი სპეციალური მიმღების დებულების ძალაში შესვლის შესახებ

იმის გამო, რომ ამჟამად მოქმედი დებულება ადმინისტრაციულ პატიმრობაში მყოფ პირებთან მუშაობის შესახებ ვერ პასუხობს დღევანდელ მოთხოვნებს და ხელს უშლის ამ ხაზით საქმიანობის გაუმჯობესებას

ვ ბ რ ძ ა ნ ე ბ ა:

- I. დამტკიცდეს შინაგან საქმეთა ორგანოებთან არსებული, ადმინისტრაციულ პატიმრობაში მყოფ პირთა მოსათავსებელი სპეციალური მიმღების დებულება და ძალაში შევიდეს საქართველოს იუსტიციის სამინისტროში რეგისტრაციის შემდეგ.
2. შინაგან საქმეთა ორგანოს თანამშრომლებმა ადმინისტრაციულ პატიმრობამისჯილ პირებთან მუშაობისას იხელმძღვანელონ მხოლოდ ამ დებულების მოთხოვნათა შესაბამისად.
3. ძალადაკარგულად ჩაითვალოს საქართველოს რესპუბლიკის შინაგან საქმეთა მინისტრის 1992 წლის 18 დეკემბრის №710 ბრძანება.

მ ი ნ ი ს ტ რ ი

გენერალ ლეიტენანტი

კ. თარგამაძე

დანართი

დ ე ბ უ ლ ე ბ ა

შინაგან საქმეთა ორგანოებთან არსებული, ადმინისტრაციულ პატიმრობაში მყოფ პირთა მოსათავსებელი სპეციალური მიმღების შესახებ

თავი I. ზოგადი დებულებანი

- I. ადმინისტრაციულ პატიმრობაში მყოფ პირთა მოსათავსებელი სპეციალური მიმღები (ტექსტში შემდგომ "სპეცმიმღები) იქმნება საქართველოს შინაგან საქმეთა მინისტრის ბრძანებით, ერთი ან რამდენიმე შინაგან საქმეთა ორგანოს (პოლიციის) მომსახურებისათვის.
2. სპეცმიმღების შტატებს ამტკიცებს შინაგან საქმეთა მინისტრი, ამ დაწესებულებების ტიპობრივი შტატების შესაბამისად.
3. სპეცმიმღების დაფინანსება ხდება სახელმწიფო ბიუჯეტის ხარჯზე.
4. შინაგან საქმეთა ორგანოებთან არსებულ სპეცმიმღებს გააჩნია ბეჭედი, საქ. სახელმწიფო ღერბის გამოსახულებით და თავისი დასახელებით.
5. სპეცმიმღებში, ამ დაწესებულებების შენობების ტიპობრივი პროექტების შესაბამისად, უნდა მოეწყოს, როგორც მინიმუმი შემდეგი სახის სათავსოები:



ა) საკნები მამაკაცების და ქალების ცალ-ცალკე განთავსებისათვის;

ბ) იზოლაციური ახლად მიღებული პირებისათვის, რომლებსაც არ აქვთ გავლილი სანიტარული დამუშავება და ავადმყოფებისათვის ცალ-ცალკე;

გ) ოთახები სპეცმომღების მორიგესათვის, უფროსისათვის, მედმუშაკისათვის, ინსპექტორებისათვის და მომსახურე პერსონალისათვის;

დ) საშხაპე, სადუნიფექციო საკანი, საშრობი, ოთახი კვების პროდუქტების გაცხელებისა და ჭამისათვის, გარეცხვისა და შენახვისათვის საკუჭნაო დაკავებულთა პირადი ნივთების შენახვისათვის და სხვა სამეურნეო საგნების შესანახად, სანიტარული კვანძი;

სპეცმომღებს უნდა ჰქონდეს შემოღობილი ეზო. 50 და მეტი ადგილის მქონე სპეცმომღებისათვის მოეწყობა საკონტროლო გამშვები პუნქტიც.

6. სპეცმომღების საქმიანობაზე ხელმძღვანელობას და კონტროლს ახორციელებს იმ შინაგან საქმეთა ორგანოს დანაყოფი, რომელთანაც იგი არის შექმნილი, აგრეთვე შს სამინისტროს, შს სამმართველოს და შს განყოფილების ადმინისტრაციული პოლიციის სამსახური.

7. სპეცმომღებში მყოფ პირებთან ოპერატიულ-სამძებრო საქმიანობას ახორციელებს შესაბამისი შინაგან საქმეთა ორგანოები, ამ მუშაობას ორგანიზაციას უწევს სისხლის სამართლის სამძებროს აპარატი.

8. კონტროლს სპეცმომღების სანიტარულ მდგომარეობაზე ახორციელებს შინაგან საქმეთა სამინისტროს სამედიცინო სამსახური. სპეცმომღებში მყოფ პირებს უშუალოდ სამედიცინო მომსახურებას უწევს ამავე დაწესებულების სამედიცინო პერსონალი.

9. სპეცმომღებში კონტროლი საფინანსო სამეურნეო საქმიანობაზე, საბუღალტრო აღრიცხვასა და ანგარიშგებაზე, აგრეთვე რევიზიის ჩატარებაზე ევალებათ შს სამინისტროს შესაბამის სამსახურებს.

10. დაკავებულები ვალდებული არიან სპეცმომღებში ყოფნის დროს გადაიხადონ ყოველდღიური შენახვისა და კვებისათვის თანხა იმ დროისათვის არსებული ფასების შესაბამისად. 16 დან 18 წლის ასაკის პირების მაგივრად, რომლებსაც არ გააჩნიათ დამოუკიდებელი შემოსავალი, აღნიშნულ თანხას იხდიან მშობლები ან მათი შემცვლელი პირები. ამ თანხების გადახდა ხდება სპეციალური ანგარიშის მიხედვით (დანართი №1) სამოქალაქო კანონმდებლობით გათვალისწინებულ ვადებში.

იმ დაკავებულ პირთა შენახვისა და კვების თანხების ჩამოწერა, რომელთაგან შეუძლებელია ფულის ამოღება, ხდება სპეცმომღების უფროსის მიერ, კვარტალში ერთხელ შესაბამის საფინანსო ორგანოებთან შეთანხმებით.

## თავი 2. ადმინისტრაციული წესით დაკავებული პირების მიღება და რეგისტრაცია

11. სპეცმომღები დაკავებულ პირებს ღებულობს დღე-ღამის განმავლობაში შემდეგი დოკუმენტების საფუძველზე:

ა) მოსამართლის დადგენილება დაპატიმრების შესახებ, რომელიც ხელმოწერილია და ბეჭედდასმულია მოსამართლის მიერ;

ბ) პირადი ჩხრეკის ოქმი ამოღებული ფასეულობებით და ნივთებით;

გ) დაკავებულის პირადობის დამადასტურებელი საბუთი.

12. სპეცმომღების მორიგე, დაპატიმრებულის მიღებისას ადარებს მოსამართლის დადგენილების ჩანაწერისა და წარმოდგენილი პიროვნების მონაცემების სიზუსტეს და ამოწმებს ოქმში ჩამოთვლილი ნივთების არსებობას.

13. თითოეული დაკავებული გამოიკითხება მისი ჯანმრთელობის მდგომარეობის შესახებ. პირები, რომლებსაც აღმოაჩნდებათ დაავადების ნიშნები, შემოწმდება მედ პერსონალის მიერ და მისი დასკვნით



მოთავსდება იზოლატორში, ხოლო აუცილებელი კვალიფიციური დახმარებისათვის გადაიგზავნება სამედიცინო დაწესებულებაში სამკურნალოდ.

სპეცმიმღების ხელმძღვანელობა დაკავებულის სამედიცინო დაწესებულებაში გადაგზავნის შესახებ დაუყოვნებლივ აცნობებს მოსამართლეს. ამ პირთა გამოჯანმრთელების შემდეგ, თუ მას არ მოყვა მოსამართლის სხვა გადაწყვეტილება, ისინი თავსდებიან სპეცმიმღებში სასჯელის მოსახდელად.

14. საკანში მოთავსებამდე დაკავებულები იჩხრიკებიან. ჩხრეკას აწარმოებს სპეცმიმღების თანამშრომელი არანაკლებ ერთ მოწმის თანხლებით. ქალის ჩხრეკას აწარმოებს სპეცმიმღების თანამშრომელი ქალი ან ამისთვის მოწვეული ქალები, მათთან სათანადო ინსტრუქტაჟის ჩატარების შემდეგ.

15. ჩხრეკისას ამოღებას ექვემდებარება:

ა) იარაღი, ფეთქებადი და ნარკოტიკული ნივთიერებები;

ბ) ფული, ფასიანი ქაღალდები და საიუველირო ნაწარმი;

გ) წიწკა, მარილი, სპირტიანი სასმელები, ჩაი, თამბაქო, ასანთი;

დ) მედიკამენტები და სხვა სამკურნალო საშუალებები, რომელთა გამოყენება მედიცინის მუშაკის მიერ აკრძალულია;

ე) შარფები, ქამრები, ზონარები, აჭიმი;

ვ) მინის ჭურჭელი, მჩხვლეტავი, სახერხი და მჭრელი საგნები;

ზ) საბუთები.

ჩატარებული ჩხრეკის შესახებ კეთდება ჩანაწერი პირადი ჩხრეკის ოქმში (დანართი 2) ამოღებული ფასეულობანი და საგნები დაწვრილებით აიწერება დამახასიათებელი ნიშნებისა და ნომრების მიხედვით.

საგნები, ნივთები, ფასეულობანი და საბუთები, რომლებიც ჩამოთვლილია „ბ“ – „ზ“ პუნქტებში და ამოღებულია დაკავებულისაგან ინახება სპეცმიმღების კარაღებში, რომლის გასაღები აქვს სპეცმიმღების მორიგეს. ქვითარი საგნების, ნივთების, ფასეულობების და დოკუმენტების ჩამორთმევის შესახებ ეძლევა დაკავებულს ხელზე.

16. სპეცმიმღებში მოყვანილი პირები ექვემდებარებიან ჟურნალში რეგისტრაციას (დანართი 3), სპეცმიმღებში, რომელთა შევსების ლიმიტი აღემატება 100 კაცს, სარეგისტრაციო ჟურნალის მაგივრად, შეიძლება შეიქმნას ალფავიტური სააღრიცხვო კარტოთეკა, იმ პირთა ბარათებიდან, რომლებიც იხდიან ადმინისტრაციულ სასჯელს (დანართი 4). ასეთ შემთხვევაში სააღრიცხვო ბარათების გარდა წარმოებს სადღეღამისო უწყისი ახლად მიღებულთა აღრიცხვისათვის (დანართი 5).

იმ შემთხვევაში, თუ დაკავებულები ექვმიტანილები არიან დანაშაულის ჩადენაში ან იძებნიებიან, მათ შეიძლება გადაუღონ სურათი და გაუკეთონ დაქტილოსკოპირება.

17. სპეცმიმღებში მოთავსებულ ყველა დაკავებულზე იქმნება საქმე, რომელსაც თან ერთვის მოსამართლის გადაწყვეტილება დაკავების შესახებ, ჩხრეკის ოქმი და სხვა საჭირო მასალები, რომლებიც ახასიათებენ დაკავებულს.

დაკავებულთა საქმეები ინახება და ნადგურდება საქართველოს შინაგან საქმეთა მინისტრის ბრძანებით გათვალისწინებული წესების შესაბამისად.

18. სპეცმიმღებში დაკავებულთა მოთავსების ან სამკურნალო დაწესებულებაში გაგზავნის შესახებ სპეცმიმღების ხელმძღვანელობა პირველი დღე-ღამის განმავლობაში ატყობინებს მის ნათესავებს საცხოვრებელი ადგილის მიხედვით.



### თავი 3. სპეცმიმღებში დაკავებულ პირთა ყოფნის რეჟიმი, მათი ძირითადი მოვალეობები და უფლებები

19. დაკავებულები, რომლებიც მოთავსებული არიან სპეცმიმღებში უნდა იმყოფებოდნენ კლიტით ჩაკეტილ საკნებში მუდმივი დაცვისა და მეთვალყურეობის ქვეშ: მამაკაცები და ქალები ცალცალკე, არასრულწლოვანები უფროსებისაგან ცალკე.

ავადმყოფები, რომლებსაც აღმოაჩნდებათ ფილტვების ტუბერკულოზის აქტიური ფორმა, ვენერიული ან სხვა გადამდები სენი, უნდა იყვნენ იზოლირებულნი სხვა დაკავებულებისაგან, საჭიროების შემთხვევაში ამ სახის ავადმყოფები იზავნებიან სამედიცინო გამოკვლევაზე.

20. დაკავებულები განთავსდებიან ნარებზე, ერთ კაცზე დადგენილია ფართის ნორმა 2,5 მ<sup>2</sup>. გასეირნებაზე ისინი არ გაყავთ.

21. სპეცმიმღების საკნებში აღჭურვილობა უნდა შეესაბამებოდეს წინასწარი პატიმრობის საკნების მოთხოვნილებებს. საკნის კარებს უნდა ჰქონდეს სათვალთვალ ნახვრეტი, ფანჯრებზე რკინის გისოსები.

დაკავებულთა დაცვის საგუშაგოებზე უნდა იყოს ხმოვანი ან ოპტიკურ-გამაფრთხილებელი სიგნალიზაცია, რომელთა ხელსაწყოები იდგმება სპეცმიმღების მორიგის ოთახში.

22. სპეცმიმღებში დაკავებულ პირთა დასაცავად განწესებაში მყოფ პოლიციის თანამშრომლებზე იარაღი არ გაიცემა. სპეცმიმღებიდან გაქცეული პირის დაკავებისას იარაღი არ გამოიყენება.

პოლიციელების მიერ სამსახურის შესრულების ხანგრძლივობა განისაზღვრება მოქმედი შრომის კანონთა კოდექსის მოთხოვნათა შესაბამისად.

23. დაკავებულებზე საჭმელი გაიცემა იმ ნორმით, რომელიც დადგენილია ციხეებში საერთო რეჟიმზე მყოფი პატიმრებისათვის.

დაკავებულებს კვების პროდუქტები გაეცემათ უწყისის მიხედვით.

#### დანართი 6

დაკავებულ პირთა ცხელი საკვებით უზრუნველყოფისათვის სპეცმიმღების ხელმძღვანელობა აფორმებს ხელშეკრულებას საზოგადოებრივი კვების საწარმოსთან. კმაყოფის დადგენილი ნორმიდან გამომდინარე, ხელშეკრულებაში გათვალისწინებული უნდა იყოს კერძების სავარაუდო ასორტიმენტი, დღიური რაციონის ღირებულება, პროდუქტის ფასნამატი და კვების ღირებულების გადახდის წესი.

24. სპეცმიმღებში მოთავსებული პირები ექვემდებარებიან სანიტარიულ დამუშავებას,

მედმუშავის დასკვნის საფუძველზე დაკავებული მამაკაცები ექვემდებარებიან თმის გადაპარსვას, რის შესახებაც კეთდება სათანადო აღნიშვნა საქმეში.

თუ სპეცმიმღებს არ გააჩნია სანიტარიული გასატარებელი, დაკავებულთა სანიტარიული დამუშავება, უნდა მოხდეს საქალაქო სანიტარიულ გასატარებელში ან აბანოში.

დაკავებულთა გაყვანა ბუნებრივი საჭიროებისათვის, როგორც წესი, უნდა მოხდეს დღის საათებში.

25. სპეცმიმღებში მოთავსებული პირები ვალდებულნი არიან შეასრულონ ამ დებულებით დადგენილი დაკავებულთა ქცევისა და შინაგანაწესით გათვალისწინებული მოთხოვნები, რომელიც დამტკიცებულია შს ორგანოს უფროსის მიერ.

დაკავებულთა ქცევის და სპეცმიმღების შინაგანაწესი (დანართი 7)

დაბეჭდილი ფორმით უნდა გამოიკრას ყველა საკანში. დაკავებულები ამ მოთხოვნებს უნდა გაეცნონ საკანში მოთავსებამდე.



26. დაკავებულებს აქვთ უფლება:

- ა) მიიღონ საკვები და მატერიალურ საყოფაცხოვრებო მომსახურება დადგენილი ნორმის მიხედვით;
- ბ) ჰქონდეთ დასაძინებელი ადგილი;
- გ) სპეცმომღების ადმინისტრაციის მეშვეობით გაგზავნონ განცხადებები და საჩივრები;
- დ) იკითხონ გაზეთები და ჟურნალები;
- ე) ისარგებლონ პირადი ტანსაცმლით სეზონის მიხედვით;

დაკავებულებს უფლება აქვთ თან იქონიონ: 50 სმ-მდე სიგრძის პირსახოცი, საპონი, კბილის ჯაგრისი, კბილის ფხვნილი ან პასტა, სავარცხელი, ცხვირსახოცი, სათვალეები, პროტეზები ან ყავარჯნები (ინვალიდებისათვის), მედმუშაკის მიერ ნებადართული მედიკამენტები და სხვა სამკურნალო საშუალებები.

ჩამოთვლილი საგნებისა და ნივთების მიღება დაკავებულს შეუძლია მიიღოს თავისი ნათესავების მეშვეობით.

პირადი ნივთების ასაღებად მათი სახლში გაშვება აკრძალულია.

დაკავებულებს აქვთ უფლება თან იქონიონ ჩაბარებული ფულის, ფასეულობებისა და ნივთების ქვითარი.

ტულეტისათვის განკუთვნილი ნივთების შესანახად უნდა მოეწყოს კარადები ან თაროები სპეციალურ ადგილას საკნის გარეთ.

27. დაკავებულებს ეკრძალებათ:

- ა) დაარღვიონ დადგენილი წესრიგი და სიწყნარე საკანში აგრეთვე სპეცმომღების სხვა სათავსოებში, სპეცმომღების თანამშრომლებთან კამათი;
- ბ) ყვირილი, საკნებიდან რაიმეს გადაგდება, ფანჯრის რაფაზე ასვლა, სარკმელში თავის გაყოფა, კარის სათვალთვალ ნახვრეტის დაფარვა;
- გ) სპეცმომღების კედლებზე, აგრეთვე საგნებზე და ნივთებზე რაიმე წარწერებისა და აღნიშვნების გაკეთება;
- დ) თან იქონიონ ფული და შესანახად აკრძალული საგნები;
- ე) მიიღონ სპირტიანი სასმელები და ნარკოტიკული ნივთიერებები.

28. იმ დაკავებულების მიმართ, რომლებიც ურჩობენ, უწყვენ ფიზიკურ წინააღმდეგობას ან სჩადიან სხვა სახის ძალადობას, გამოიყენება ხელბორკილები ან ხდება მათი შებოჭვა არაუმეტეს 2 საათისა. შებოჭვა უნდა მოხდეს ისეთი საშუალებებით, რომლებიც დაკავებულს არ მიაყენებენ სხეულის რაიმე დაზიანებას.

ხელბორკილების გამოყენება ან შებოჭვა შეიძლება მოხდეს სპეცმომღების უფროსის ან მისი მოადგილის განკარგულების საფუძველზე, მათი არყოფნის შემთხვევაში, მიმღების მორიგის მითითებით.

ხელბორკილების ან შებოჭვის საშუალებების გამოყენების ყველა შემთხვევაში, უნდა შედგეს ოქმი, რომელშიც მითითებული იქნება ასეთი ღონისძიების საფუძველი და მათი გამოყენების ხანგრძლივობა.

პირი, რომლის მიმართ გამოყენებული იქნება ხელბორკილები ან შებოჭვა უნდა იმყოფებოდეს მუდმივი მეთვალყურეობის ქვეშ.



29. ინვენტარის, მოწყობილობების და სხვა ქონების განზრახ დაზიანებისათვის დაკავებულებს ეკისრებათ მატერიალური პასუხისმგებლობა მიყენებული ზარალის ოდენობით.

მიყენებული ზარალის ოდენობაზე დგება ოქმი. მატერიალური ზარალის ანაზღაურება ამ პირების მიერ ხდება სარჩელის წესით.

30. იმ შემთხვევაში, როდესაც დაკავებული თავს არიდებს სასჯელის მოხდას ან უხეშად არღვევს დადგენილ რეჟიმს, სპეცმომსახურის ხელმძღვანელობა შუამდგომლობს შს ორგანოს უფროსთან, რომ გაკეთდეს წარდგინება სასამართლოში, სპეცმომსახურის ადგილმდებარეობის მიხედვით, რათა გაუგრძელდეს მას პატიმრობაში ყოფნის ვადა, მაგრამ არაუმეტეს 30 დღე-ღამემდე ვადით. წარდგინებაში უნდა უჩვენოთ: როდის, რის საფუძველზე, რისთვის და რამდენი ხნით იქნა დაკავებული ეს პირი, სად იხდის სასჯელს, რეჟიმის დარღვევის ხასიათი.

#### თავი 4. ადმინისტრაციულ პატიმრობაში მყოფ პირთა გამოყენება ფიზიკურ სამუშაოზე

31. დაკავებულები, როგორც წესი გამოიყენებიან ფიზიკურ სამუშაოებზე, მრეწველობის საწარმოებში, მშენებლობებზე, მეურნეობებსა და ორგანიზაციებში, ამ უწყებების ხელმძღვანელთა განაცხადის საფუძველზე.

32. დაკავებულთა შრომის ანაზღაურება ფიზიკურ სამუშაოზე ხდება სამეურნეო ორგანიზაციებთან დადებული ხელშეკრულების შესაბამისად, ფაქტიური შესრულებული, სამუშაოს მოცულობისა და იმ ნორმებისა და ფასდებულის გათვალისწინებით, რომლებიც მოქმედებენ შესაბამის დარგებში ან საათობრივი ტარიფების ღირებულების მიხედვით.

33. საწარმოსა და ორგანიზაციებიდან დაკავებულთა მიერ შესრულებული სამუშაოსათვის შემოსული სახსრები ჩაირიცხება სპეცმომსახურის ანგარიშზე.

34. დაკავებულები ფულადი ანაზღაურების გარეშე შეიძლება იქნენ გამოყენებული ქუჩების, ეზოების, საზოგადოებრივი სარგებლობის ადგილების დაგვისა და დასუფთავებისათვის და სხვა ფიზიკურ სამუშაოზე.

სპეცმომსახურის ხელმძღვანელობას შეუძლია დაკავებულები ამუშაონ ამ უწყების კეთილმოწყობისა და საყოფაცხოვრებო პირობების გასაუმჯობესებლად.

35. დაკავებულთა შრომის ორგანიზაცია ხდება მმართველობის ადგილობრივი ორგანოების მიერ ტექნიკური უსაფრთხოებისა და შრომის დაცვის წესების გათვალისწინებით. მათთვის დგინდება 8 საათიანი სამუშაო დღე, ხოლო არასრულწლოვანებისათვის 6 საათიანი. გამომუშავებული თანხა დაკავებულებს არ მიეცემათ.

36. დაკავებულების ფიზიკურ სამუშაოზე გაყვანა უნდა მოხდეს მხოლოდ ბადრაგის მეთვალყურეობის ქვეშ. სამუშაო ადგილიდან დაკავებულის გაქცევის შემთხვევაში სპეცმომსახურის ხელმძღვანელობა ღებულობს ზომებს მისი ადგილსამყოფლის დასადგენად. ამავდროულად ყველა ფაქტზე იგზავნება შეტყობინება გაქცევის შესახებ იმ შს ორგანოში, რომელმაც გააფორმა მასალები მისი პასუხისმგებლობაში მიცემის შესახებ. გაქცეულის ადგილსამყოფლის დადგენის შემთხვევაში მას აბრუნებენ სპეცმომსახურში, ამასთანავე წყდება საკითხი მისი დასჯის შესახებ ამ დებულების 30-ე პუნქტის მოთხოვნათა შესაბამისად.

37. დაკავებულთა სამუშაოზე გაყვანასა და მის დროულად დაბრუნებაზე კონტროლს ახორციელებს სპეცმომსახურის ხელმძღვანელობა. სამუშაოზე გაყვანის აღრიცხვა ხდება სპეცმომსახურში მოთავსებულთა ფიზიკურ სამუშაოზე გამოყენების აღრიცხვის წიგნში (დანართი 8).

38. ფიზიკურ სამუშაოზე გაყვანილ პირებს, სპეცმომსახურის ხელმძღვანელობის მიერ სპეციალური ტანსაცმელი და ფეხსაცმელი არ მიეცემათ.

39. დაკავებულთა მხრიდან მუშაობისადმი არაკეთილსინდისიერი დამოკიდებულების ყველა შემთხვევაში პოლიციის თანამშრომელი, რომელიც ბადრაგირებას უწევდა მას, პაატაკით ახსენებს სპეცმომსახურის უფროსს სათანადო ზომების მისაღებად.



## თავი 5. სპეცმიმღებიდან დაკავებულთა განთავისუფლება

40. სპეცმიმღებიდან დაკავებულები განთავისუფლდებიან მოსამართლის მიერ დადგენილი ვადის მოხდის შემდეგ.
41. განთავისუფლებულს ხელწერილით უბრუნდებათ სპეცმიმღებში მოთავსების დროს ჩამორთმეული ყველა ფასეულობანი, დოკუმენტები, ნივთები და საგნები, გარდა იმ საგნების დოკუმენტებისა და ნივთებისა, რომლებსაც ისინი ინახავდნენ უკანონოდ. არაკანონიერად შენახული საგნების, ნივთების და დოკუმენტების ამოღება უნდა გაფორმდეს ოქმით მოწმეთა თანდასწრებით.
42. პირი, რომელიც უკანონოდ ინახავდა ცეცხლსასროლ იარაღს, ფეთქებად ნივთიერებას, ძლიერ მოქმედ ან შხამიან ნივთიერებას, მის საკითხს წყვეტს შს ორგანო, სისხლის სამართლის საპროცესო კანონმდებლობის შესაბამისად.
43. მოქალაქემ, რომელმაც მოიხადა ადმინისტრაციული სასჯელი და განთავისუფლდა სპეცმიმღებიდან, მასზე გაიცემა ცნობა (დანართი 9).
44. სპეცმიმღების ხელმძღვანელობა ვალდებულია დაკავებულთან ჩაატაროს პროფილაქტიკური ხასიათის საუბრები, რა დროსაც უხსნის ანტისაზოგადოებრივი ქმედების შეწყვეტის აუცილებლობას, აცნობს კანონს სამართალდარღვევის განმეორებით ჩადენის შემთხვევაში პასუხისმგებლობის შესახებ.

## თავი 6. სპეცმიმღების თანამშრომელთა მოვალეობები

45. სპეცმიმღების თანამშრომლებს ეკისრებათ პირადი პასუხისმგებლობა კანონიერების დაცვაზე და ამ დებულების მოთხოვნილებათა შესრულებაზე.

დაკავებულთან ურთიერთობაში ისინი უნდა იყვნენ თავდაჭერილები და ყურადღებიანი.

46. სპეცმიმღების ატესტირებული თანამშრომლები მონაწილეობას ღებულობენ რეიდებში, შემოვლებში და სხვა სახის საზოგადოებრივი წესრიგის დაცვის პროფილაქტიკურ ღონისძიებებში. მათ მიერ გამოვლენილი საზოგადოებრივი წესრიგის ყველა დამრღვევი პირი წარედგინება შინაგან საქმეთა განყოფილების (სამმართველოს) სამორიგეო ნაწილს, ტერიტორიულად და გატარდება არსებული წესის მიხედვით.
47. სპეცმიმღების უფროსი ემორჩილება იმ შინაგან საქმეთა ორგანოს უფროსს, რომელთანაც არის ორგანიზებული ეს სპეცმიმღები. ის აგებს პასუხს სპეცმიმღების მუშაობის ორგანიზაციაზე, დისციპლინის მდგომარეობაზე, პირადი შემადგენლობის პროფესიულ მომზადებაზე და კანონიერების დაცვაზე.

სპეცმიმღების უფროსი ვალდებულია:

- ა) კონტროლი გაუწიოს ხელქვეითების მიერ ფუნქციონალური მოვალეობის შესრულებას, რომელიც განსაზღვრულია ამ დებულებით, დაგეგმოს სპეცმიმღების მუშაობა;
- ბ) ორგანიზაცია გაუკეთოს და პირადად ჩაატაროს მეცადინეობები სპეცმიმღების თანამშრომლებთან აღმზრდელობით, სამსახურეობრივ, საბრძოლო და ფიზიკურ მომზადებაში;
- გ) შინაგან საქმეთა ორგანოს ხელმძღვანელობასთან ერთად მიიღოს მონაწილეობა სამოქმედო ტერიტორიაზე საზოგადოებრივი წესრიგის განმტკიცების მიზნით მუშაობის დაგეგმვაში და მის განხორციელებაში;
- დ) ანალიზი გაუკეთოს სპეცმიმღებში მუშაობის მდგომარეობას, ამ ანალიზის მიხედვით შეიტანოს წინადადებები შინაგან საქმეთა ორგანოს ხელმძღვანელებთან მუშაობის გაუმჯობესების მიზნით;
- ე) უზრუნველყოს დაკავებულთა კვება დადგენილი ნორმის მიხედვით;



ვ) შეიმუშაოს ნუსხა სპეცმომღების შენახვისათვის: უზრუნველყოს მისი მომარაგება საჭირო ინვენტარით, მიიღოს ზომები შენობის შეკეთებისათვის და იქ წესრიგის დასამყარებლად;

ზ) დაკავებულების მიერ სასჯელის ვადის მოხდის შემდეგ, მათ სამუშაო (სასწავლო) ადგილებზე, ან სოცუზრუნველყოფის ორგანოებში, (სასამართლოს აღმასრულებელთან) გაგზავნოს ანგარიშები დაკავების პერიოდში მისი შენახვისა და კვების ღირებულების დაქვითვის მიზნით. მიაღწიოს ამ თანხების დროულად გადარიცხვას შესაბამის ბიუჯეტში;

თ) სპეცმომღებში დაკავებულ პირებთან ჩაატაროს აღმზრდელობითი და პროფილაქტიკური მუშაობა;

ი) დადგენილ ვადებში განიხილოს დაკავებულთა და სხვა მოქალაქეთა საჩივრები, წერილები და განცხადებები. პროკურორის სახელზე დაწერილი საჩივრები და განცხადებები განიხილვას არ ექვემდებარებიან და 24 საათის განმავლობაში ეგზავნება ადრესატს. ყველა საჩივარი და განცხადებები სპეცმომღების უფროსის მიერ იგზავნება ქვემდებარებისამებრ კანონით დადგენილი წესით. საჩივრები სპეცმომღების ხელმძღვანელების ქმედობაზე მოხსენდება იმ შინაგან საქმეთა დანაყოფის უფროსს, რომელთანაც შექმნილია ეს დაწესებულება;

კ) ორგანიზაციას უკეთებს და უტარებს ინსტრუქციას განწესებაში მყოფ თანამშრომლებს შს ორგანოს ხელმძღვანელობასთან შეთანხმებით სპეცმომღების თანამშრომლების ძალებით სამოქმედო ტერიტორიაზე აწყობს შემოვლებსა და რეიდებს, საზოგადოებრივი წესრიგის დამრღვევ პირთა გამოვლენისა და დაკავების მიზნით;

ლ) უზრუნველყოს საფინანსო დისციპლინის დაცვა, ფულადი სახსრებისა და მატერიალური ფასეულობების შენახვა, დროულად წარადგინოს ანგარიშები;

მ) ორგანიზაცია გაუკეთოს ავტოტრანსპორტისა და სხვა ქონების სწორ გამოყენებასა და რემონტს.

48. სპეცმომღების უფროსის მოადგილე პასუხს აგებს დაკავებულთა დაცვის რეჟიმზე და შრომით გამოყენებაზე, მათ შორის, ძეხნილი პირების ჩადენილი დანაშაულის გახსნისათვის ღონისძიების გატარებაზე. უფროსის არყოფნის შემთხვევაში ასრულებს მის მოვალეობას.

სპეცმომღების უფროსის მოადგილე ვალდებულია:

ა) უზრუნველყოს დაკავებულთა დაცვა, ბადრაგირება და დადგენილი რეჟიმის შესრულება;

ბ) სპეცმომღების პირად შემადგენლობასთან ჩააბაროს მეცადინეობები სამსახურეობრივ მომზადებაში. ინსტრუქტაჟი ჩაუტაროს სამსახურში გამავალ თანამშრომლებს, გააკონტროლოს სამსახურის შესრულება;

გ) შეიმუშაოს და განახორციელოს დაკავებულთა შრომითი გამოყენების ღონისძიებები, ჩაატაროს განმარტებითი მუშაობა;

დ) ორგანიზაცია გაუკეთოს დაკავებულთა შორის იმ პირების გამოვლენას, რომლებიც ეძალებიან მართლმსაჯულებას და სასამართლოს გადაწყვეტილების აღსრულებას, მათ მიერ ადრე ჩადენილ დანაშაულებათა გახსნას;

ე) გააკონტროლოს სპეცმომღებში რეჟიმის დამრღვევ პირებზე შედგენილი საბუთების სისწორე და უზრუნველყოს მისი დროული გაგზავნა შს ორგანოს უფროსთან;

ვ) თვალყური ადევნოს სპეცმომღების პირადი შემადგენლობისა და დაკავებულების მიერ ხანძარსაწინააღმდეგო რეჟიმის დაცვას;

ზ) კონტროლი გაუწიოს სპეცმომღებში წარმოდგენილი დაკავებულ პირებზე დოკუმენტაციის სწორ წარმოებას.

49). სპეცმომღების მორიგე ემორჩილება სპეცმომღების უფროსს და მის მოადგილეს. იგი



ხელმძღვანელობს მორიგე განწესების მუშაობას, ხოლო სპეცმომსახურების უფროსისა და მისი მოადგილის არყოფნის შემთხვევაში პასუხს აგებს სპეცმომსახურების საქმიანობაზე.

მორიგე ვალდებულია:

ა) ჩაატაროს სპეცმომსახურებაში ადმინისტრაციული დაკავებისათვის მოსათავსებლად მოყვანილი პირების რეგისტრაცია და აღრიცხვა, ჩაუტაროს მათ ჩხრეკა, ტანსაცმლის და ნივთების შემოწმება. საჭიროების შემთხვევაში გადაუღოს სურათი და ჩაატაროს დაკტილოსკოპირება, გაანაწილოს დაკავებულები საკნებში, მათ შორის, ერთ-ერთი დანიშნოს მორიგედ, უზრუნველყოს დაკავებული პირებისაგან ჩამორთმეული ნივთების, ფულის, დოკუმენტების და სხვა ფასეულობების დაცვა, გასცეს ისინი განთავისუფლების შემდეგ;

ბ) დროულად უზრუნველყოს დაკავებულთა სამედიცინო შემოწმება, სანიტარიული დამუშავება, მათი კვება და ადუღებული წყლით მომარაგება;

გ) შეამოწმოს დაკავებულთა რაოდენობა, საკნების მდგომარეობა, საკეტების გამართულობა, უზრუნველყოს მათთვის დადგენილი რეჟიმის დაცვა. გადაუდებელ შემთხვევაში ბოროტი დამრღვევი გადაიყვანოს ცალკე საკანში და დააწესოს მასზე გამლიერებული მეთვალყურეობა, ინფორმაცია გაუკეთოს ახალ განწესებას, რეჟიმის დამრღვევებზე და იმ პირების შესახებ, რომელთა მოქმედებაც საჭიროებს გამლიერებულ ზედამხედველობას;

დ) აცნობს მედიცინის მუშაკს ავადმყოფი პირების შესახებ, მათი არყოფნის შემთხვევაში გამოიძახოს სასწრაფო სამედიცინო დახმარება. მიიღოს ზომები, რათა სპეცმომსახურებაში მოთავსებულ პირმა არ ჩაიდინოს თვითმკვლელობა ან არ მიიღოს სხეულის დაზიანება. სპეცმომსახურებაში მომხდარ ყველა საგანგაშო შემთხვევაზე, აგრეთვე დაკავებულ საზღვარგარეთელ მოქალაქეზე დაუყოვნებლივ აცნობოს სპეცმომსახურების უფროსს ან მის მოადგილეს, მათი არყოფნის შემთხვევაში შს ორგანოს მორიგეს;

ე) ჩაუტაროს ინსტრუქტაჟი განწესებაში გამავალ პირად შემადგენლობას და გააკონტროლოს მისი მუშაობა. მოითხოვოს განწესებისაგან სამსახურეობრივი მოვალეობის ზუსტი შესრულება, დადებული ფორმის ტარების წესების დაცვა, დაკავებულების მიმართ ყურადღებიანი მოპყრობა;

ვ) საჭიროების შემთხვევაში შეამოწმოს ოპერატიული აღრიცხვით სპეცმომსახურებაში დაკავებული პირები, მათი საგნები და ნივთები, რომლებსაც გააჩნიაო ნომრები ან სხვა ინდივიდუალური დამახასიათებელი ნიშანი;

ზ) ყურადღება მიაქციოს, რომ გამართულად მუშაობდეს სიგნალიზაციის, კავშირგაბმულობის და სხვა დამცავი საშუალებები;

თ) დროულად მოახსენოს სპეცმომსახურების უფროსს, დაკავებულების მხრიდან ყველა საჩივრისა და განცხადების შესახებ და მათზე მიიღოს შესაბამისი ზომები. საჩივრისა და განცხადების დასაწერად დაკავებულებს მიეცეს საწერი საშუალებანი;

ი) უზრუნველყოს დაკავებულთა მომზადება სამუშაოზე გასაყვანად და მოახდინოს მათი მიღება და ჩხრეკა სპეცმომსახურებაში დაბრუნებისას;

კ) სპეცმომსახურებიდან განთავისუფლებულ პირებს მისცეს ცნობა (დანართი 9) და ჩაატაროს მოკლე პროფილაქტიკური საუბარი, რათა მომავალში მათი მხრიდან არ მოხდეს კანონსაწინააღმდეგო ქმედობების ჩადენა;

ლ) აწარმოოს და შეინახოს შემდეგი დოკუმენტები:

- სპეცმომსახურებაში მყოფ პირთა აღრიცხვის ჟურნალი;

- სამსახურის განწესების წიგნი;

- ტელეფონოგრამების წიგნი;



- მორიგეობის მიღებისა და ჩაბარების წიგნი;
- საჩივრებისა და წინადადებების წიგნი.;
- შემმოწმებლის შენიშვნების ჩასაწერი წიგნი;
- სპეცმიღების თანამშრომელთა მისამართების და ტელეფონების სია;
- სამოქმედო ტერიტორიაზე განლაგებულ შინაგან საქმეთა ორგანოების ტელეფონების სია.

50. შრომითი გამოყენების ინსპექტორი ემორჩილება სპეცმიღების უფროსს და მის მოადგილეს.

იგი ვალდებულია:

- ა) დაკავებულები დაიყოს ბრიგადებად და მათი რიგებიდან დანიშნოს ბრიგადები;
- ბ) ორგანიზაციებთან და დაწესებულებებთან მომზადოს ხელშეკრულების პროექტები დაკავებულთა შრომითი გამოყენების შესახებ;
- გ) კონტროლი გაუწიოს სამუშაო ობიექტებზე დაკავებულთა შრომის ორგანიზაციას;
- დ) განიხილოს შესრულებული სამუშაოს უწყისები, შეამოწმოს ღირებულებების სიზუსტე და ეს შესრულებული სამუშაოს მოცულობა;
- ე) აწარმოოს გამომუშავებული ნორმის შესრულების აღრიცხვა და ყოველთვიურად შეადგინოს დაკავებულთა შრომითი გამოყენების ანგარიში;
- ვ) აწარმოოს დაკავებულ პირთა ფიზიკურ სამუშაოზე გამოყენების წიგნის აღრიცხვა;
- ზ) სამუშაო ობიექტებზე დაკავებულთა უბედური შემთხვევისას საწარმოს წარმომადგენლებთან ერთად შეადგინოს ოქმი დადგენილი ფორმის მიხედვით.

51. სპეცნაწილის ინსპექტორები ემორჩილება სპეცმიღების უფროსს და მის მოადგილეს.

იგი ვალდებულია:

- ა) აწარმოოს იმ პირთა საქმეები, რომლებიც იმყოფებიან ადმინისტრაციულ პატიმრობაში, თვალყური ადევნოს მათ დროულ განთავისუფლებას სასჯელის მოხდის შემდეგ. იმ სპეცმიღებში, სადაც შევსების ლიმიტი დიდია, აწარმოოს ალფავიტური კარტოტეკის აღრიცხვა;
- ბ) ადმინისტრაციულად დაკავებულ პირებზე გააფორმოს ანგარიში მათი შენახვისა და კვების თანხების ამოღების შესახებ, კონტროლი გაუწიოს მათ დროულ აღსრულებას.

52. ათეულის მეთაური ემორჩილება სპეცმიღების უფროსს და მის მოადგილეს. იგი ითვლება ათეულის პირადი შემადგენლობის უშუალო უფროსად და პასუხს აგებს ხელქვეითების სწავლებაზე, აღზრდაზე, დისციპლინაზე, სამწყობრო შემართებაზე და მათ გარეგნულ სახეზე.

ათეულის მეთაური ვალდებულია:

- ა) ასწავლოს და აღზარდოს ათეულის პოლიციელები;
- ბ) მოთხოვოს მათ სამსახურეობრივი მოვალეობის კეთილსინდისიერი შესრულება და კანონიერების მკაცრი დაცვა;
- გ) ინსტრუქტაჟი ჩაუტაროს სამსახურში გამავალ პოლიციელებს, მიაღწიოს მათი მხრიდან ფუნქციონალური მოვალეობის მყარ ცოდნას;



დ) შეამოწმოს განწესების მუშაობა და ადგილზევე აღმოფხვრას გამოვლენილი ნაკლოვანებები. უშუალოდ საგუშაგოზე და სამუშაო ობიექტებზე ასწავლოს პოლიციელებს სამსახურის შესრულების ხერხები;

ე) აწარმოოს ათეულის პოლიციელთა მუშაობის აღრიცხვა და ყოველდღიურად შეაჯამოს მათი მუშაობის შედეგები;

53) საკნების მცველი გუმაგი პოლიციელი ემორჩილება სპეცმომსახურის მორიგეს და ათმეთაურს.

იგი ვალდებულია:

ა) საგუშაგოზე დადგომისთანავე სიით მიიღოს დაკავებულები;

ბ) საკნებში მოთავსებულ დაკავებულებს ჩაუტაროს ჩხრეკა;

გ) აწარმოოს მუდმივი მეთვალყურეობა დაკავებულებზე, უზრუნველყოს მათი მხრიდან დაკავების დადგენილი რეჟიმისა და შინაგანაწესის შესრულება მიიღოს ზომები დაკავებულთა მხრიდან თვითმკვლელობის ან სხეულის დაზიანების აღკვეთა -აცილებისათვის;

დ) შემცვლელ პოლიციელთან ან მორიგესთან ერთად შეამოწმოს საკნების, საწოლების, ფანჯრების, იატაკის, ჭერის, ღუმელის, კარების, საკეტების მდგომარეობა და ინვენტარის არსებობა;

ე) შეამოწმოს სიგნალიზაციისა და კავშირის გამართულობა;

ვ) ყურადღება მიაქციოს რომ ღამის საათებში, საკნები იყოს განათებული;

ზ) დაუყოვნებლივ მოახსენოს სპეცმომსახურის მორიგეს დაკავებულთა გაქცევის და სხვა დარღვევების ჩადენის ან განზრახვის შემჩნევის შემთხვევაში;

თ) დაკავებულის ავად გახდომის შემთხვევაში დაუყოვნებლივ აცნობოს მედ. მუშაკსა და სპეცმომსახურის მორიგეს.

54. საკონტროლო გამშვები პუნქტის მორიგე-პოლიციელი ემორჩილება სპეცმომსახურის მორიგეს და ათმეთაურს.

იგი მოვალეა:

ა) სპეცმომსახურში განახორციელოს საბავშვო რეჟიმი, არ დაუშვას სპეცმომსახურის ტერიტორიიდან დაკავებულთა თვითნებური გასვლა და უცხო პირების შემოსვლა;

ბ) გამშვებ პუნქტში გაუშვას განთავისუფლებული პირები მხოლოდ დადგენილი ნიმუშის ცნობის მიხედვით;

გ) შეამოწმოს გამშვებ პუნქტში გამავალი ტრანსპორტი, არ დაუშვას სპეცმომსახურში აკრძალული საგნების შემოტანა;

დ) მიიღოს მონაწილეობა სამუშაოდან დაბრუნებული დაკავებულების მიღებასა და ჩხრეკაში.

55. ბადრაგი პოლიციელი ემორჩილება შრომითი გამოყენების ინსპექტორს, სპეცმომსახურის მორიგეს და ათეულის მეთაურს.

იგი ვალდებულია:

ა) სპეცმომსახურის მორიგისაგან მიიღოს დაკავებულები სიის მიხედვით, გადაიყვანოს ისინი სამუშაოზე და დააბრუნოს უკან, უზრუნველყოს დაკავებულთა დაცვა სამუშაო ობიექტზე;

ბ) უზრუნველყოს დაკავებულების მხრიდან საწარმოო დავალების შესრულება;



გ) მოახსენოს პატაკით სამუშაო ადგილზე და გადაადგილებაზე მომხდარი შემთხვევის შესახებ, აგრეთვე იმ დაკავებულებზე, რომლებიც თავს არიდებენ საწარმოო დავალების შესრულებას;

დ) სამუშაო ობიექტიდან დაბრუნებისას სპეცმომღების მორიგეს ჩააბაროს დაკავებულები სიის მიხედვით და მათ მიერ შესრულებული სამუშაო უწყისი;

ე) მიიღოს მონაწილეობა სამუშაოდან დაბრუნებისას დაკავებულთა ჩხრეკაში.

56). ექიმი (ფელშერი) ემორჩილება სპეცმომღების უფროსს და მის მოადგილეს, მათი არყოფნის შემთხვევაში სპეცმომღების მორიგეს, პასუხს აგებს სპეცმომღებში მოთავსებული პირების სამედიცინო მომსახურებაზე.

იგი ვალდებულია:

ა) ჩაუტაროს დაკავებულებს სამედიცინო შემოწმება სპეცმომღებში მიღებისას;

ბ) თვალყური ადევნოს დაკავებულთა ჯანმრთელობის მდგომარეობას და საჭიროების შემთხვევაში აღმოუჩინოს მათ აუცილებელი სამედიცინო დახმარება, ავადმყოფის ჯანმრთელობის მდგომარეობის მკვეთრად გაუარესების შემთხვევაში დაუყონებლივ გამოიძახოს სასწრაფო სამედიცინო დახმარება;

გ) თვალყური ადევნოს სპეცმომღების შენობის სანიტარიულ მდგომარეობას, აგრეთვე იქ ჰაერის ტემპერატურის დადგენილი ნორმების დაცვას. უზრუნველყოს დაკავებულების, მათი ტანსაცმლის და ნივთების დროული სანიტარიული დამუშავება.

დ) დაესწროს დაკავებულის დასაწყენარებელ შებოჭვას;

ე) უზრუნველყოს სპეცმომღების მომარაგება მედიკამენტებით;

ვ) ჩაატაროს ეპიდემიის საწინააღმდეგო საჭირო ღონისძიებები;

ზ) აწარმოოს დადგენილი სამედიცინო დოკუმენტაცია.

57. უფროსი ბუღალტერი (ბუღალტერი) ემორჩილება სპეცმომღების უფროსს, ასრულებს თავის მოვალეობას და სარგებლობს უფლებებით, რომელიც დადგენილია ამ კატეგორიის თანამშრომლებისათვის სახელმწიფო და საზოგადოებრივ ორგანიზაციებში.

გარდა ამისა იგი ვალდებულია:

ა) აწარმოოს იმ პირთა აღრიცხვა, რომლებსაც სპეცმომღებიდან განთავისუფლების შემდეგ უნდა გამოეწეროს ანგარიშები, მიმღებში შენახვისა და კვებისათვის თანხების გადახდაზე;

ბ) თვალყური ადევნოს ამ თანხების დადგენილ ვადაში გადახდას და მათ დროულად გადარიცხვას შესაბამის ბიუჯეტში;

გ) გადახდის დადგენილი ვადების დარღვევის შემთხვევაში ან თანხების გადახდისაგან თავის არიდების შემთხვევაში, ლეზულობს ზომებს ამ თანხების კანონით დადგენილი წესით ამოღებისათვის.

58. სხვა თანამშრომლების ფუნქციონალური მოვალეობანი შემუშავდება სპეცმომღების უფროსის მიერ და დამტკიცდება იმ შინაგან საქმეთა ორგანოს უფროსის მიერ, რომელთანაც შექმნილია ეს დაწესებულება.

შსს საზოგადოებრივი წესრიგის დაცვის

მთავარი სამმართველო



სპეცმიმღები

ქალაქი -----

„-----“ 199 წ.

გვარი ----- სახელი ----- მამის სახელი -----

დაბადების წელი და ადგილი -----

საცხოვრებელი ადგილი -----

სად მუშაობს (სწავლობს) -----

კანონის შესაბამისად თქვენ ვალდებული ხართ 10 დღის ვადაში გადაიხადოთ

სპეცმიმღებში ყოფნისა და კვებისათვის ----- ლარი.

----- თეთრი. თანხა უნდა შეიტანოთ ანგარიშზე № -----

----- ბანკში.

თუ 10 დღის ვადაში არ გადაიხდით ამ თანხას, მაშინ იგი ამოღებული იქნება იძულებითი წესით.

სპეცმიმღების უფროსი -----

ანგარიში მივიღე -----

ბ.ა

იბეჭდება და აიკინძება

ორ ეგზემპლარად.

დანართი №2

**პირადი ჩხრეკის**

**ოქმი**

199.... წლის „-----“ ----- „-----“ საათი

მე -----

(თანამდებობა, წოდება, გვარი და ინიციალები)

მოწმების -----

(გვარი, სახელი, მამის სახელი, მისამართი)

----- თანდასწრებით

ჩავატარე დაკავებულის -----

(გვარი, სახელი, მამის სახელი)

----- პირადი ჩხრეკა.



პირადი ჩხრეკის დროს აღმოჩნდა და ამოღებულია შესანახად:

1. -----
2. -----
3. -----
4. -----
5. -----
6. -----
7. -----

ამ ოქმის..... პუნქტებში აღნიშნული ნივთები და

ფასეულობა ჩაბარებულია -----  
-----

(მიეთითოს სად ჩაბარდა და ჩაბარების ქვითრების №№)

დაკავებულს ეცვა -----  
-----

ჩხრეკის ჩამტარებელი პოლიციის

მუშაკის ხელმოწერა -----

დაკავებულის ხელმოწერა -----

მოწმეთა ხელმოწერა I. -----

2. -----

ჩხრეკის ჩამტარებელი

სპეცმომღები მუშაკის ხელმოწერა -----

**ხელწერილი**

-----

ამ ოქმში ჩამოთვლილი, ჩხრეკის დროს ამოღებული საგნები

მთლიანად მივიღე -----

(გვარი, სახელი)

199 ----- წლის „-----“ -----

-----  
(ხელმოწერა)

ჩხრეკის დროს ამოღებული

საგნები დაბრუნე -----

(თანამდებობა, წოდება, გვარი)



(ხელიმოწერა)

ხელწერილი იბეჭდება პირადი ჩხრევის ოქმის

მეორე მხარეს.

დანართი №3

სპეცმიმღებში მოთავსებული პირების აღრიცხვის

ჟურნალი

დაიწყო: -----

დაამთავრდა: -----

N	გვარი, სახელი, მამის სახელი	დაბადების წელის	მისამართი	სამუშაო (სწავლის ადგილი, თანამდებობა)	როდის და რომელი პოლიციის მიერ იქნა დაკავებული	როდის და რა ვადით არის დაკავებული	სპეც მიმღებში მოთავსების თარიღი და საათი	სპეცმიმღებიდან განთავსების ფაქტის შესახებ თარიღი და მისამართი	შენახვისა და კვების ღირებულება გადაიხადა (თანხა და თარიღი)	შენი შვნა
1	2	3	4	5	6	7	8	9	10	11



ბარათი

სპეცმიმღებში ადმინისტრაციული წესით დაკავებულ პირზე

1. გვარი, სახელი, მამის სახელი

2. დაბადების წელი ----- საცხოვრებელი ადგილი -----

3. სამუშაო (სწავლის) ადგილი და თანამდებობა -----

4. როდის და რომელი შს ორგანოს მიერ იყო დაკავებული -----

5. როდის, რამდენი ხნით დაკავება მიუსაჯა სასამართლომ -----

6. სპეცმიმღებში მოთავსების თარიღი და საათი -----

7. სპეცმიმღებიდან განთავისუფლების თარიღი

და საათი -----

8. სპეცმიმღებში ყოფნისა და კვების თანხა

----- გადახდილია.

სპეცმიმღების მორიგე -----

(წოდება, გვარი)

(ხელიმოწერა)

სააღრიცხვო ბარათი უნდა ჩაიდოს კართოტეკაში

აღფავიტის მიხედვით.

სადღეღამისო უწყისი

სპეცმიმღებში ადმინისტრაციულად დაკავებულ პირთა

სასჯელის მოსახდელად ახლად მიღებული პირების აღრიცხვისა

N	გვარი, სახელი, მამის სახელი	დაბადების წელის	რომელი შს ორგანოს მიერ და როდის იქნა დაკავებული	როდის და რა ვადით იქნა დაკავებული მოსამართლის	სპეცმიმღებში მოთავსების თარიღი და საათი	განთავის უფლების თარიღი და საათი	რომელ ნომერ საკანში იქნა მოთავსებული	შენიშვნა
---	-----------------------------	-----------------	---	---	---	----------------------------------	--------------------------------------	----------



				მიერ				
1	2	3	4	5	6	7	8	9

იყო ადმინისტრაციულად დაკავებული -----ადამიანი

შემოვიდა -----ადამიანი

განთავისუფლდა -----ადამიანი

სახეზეა -----ადამიანი

სპეცმიმღების მორიგე -----

(ხელიმოწერა)

დანართი №6

უწყისი

სპეცმიმღებში მყოფ პირებზე კვების პროდუქტების გაცემაზე

199..... წლის „----“, -----

N	გვარი, სახელი, მამის სახელი	პროდუქტის დასახელება					საერთო ღირებულება	დაკავებულის ხელიმოწერა პროდუქტების მიღებაზე
		პური (გრამი)	პირველი კერძი	მეორე კერძი	შაქარი (გრამ)	ჩაი		

სპეცმიმღების უფროსი -----



**შინაგან საქმეთა ორგანოებთან არსებულ სპეციალურ**

**მიმღებში ადმინისტრაციულად დაპატიმრებულ პირთა ყოფნის**

**წესები**

**I. საერთო დებულება**

1. ადმინისტრაციული პატიმრობის მოხდისათვის სპეციალურ მიმღებში მიყვანილი პირები იხრეკებიან და გადიან სანიტარიულ დამუშავებას.

საჭირო შემთხვევაში დაპატიმრებულებს უკეთდება ფოტოგრაფირება და დაქტილოსკოპირება.

2. დაპატიმრებულნი იმყოფებიან სპეციალურ მიმღებში საკეტებით ჩაკეტილ საკნებში მუდმივი დაცვის ქვეშ.

3. სპეციალურ მიმღებში მყოფ პირებს არ ეძლევათ ქვეშაგებელი.

4. სპეციალურ მიმღებში მყოფი პირების მიმართ, რომლებიც იჩენენ ურჩობას, უწევენ მიმღების მუშაკებს ფიზიკურ წინააღმდეგობას ან სჩადიან სხვა სახის ძალადობას, გამოიყენება ხელბორკილები ან შებოჭვა.

5. ადმინისტრაციულად დაპატიმრებული პირები სპეციალური მიმღების ხელმძღვანელობის დანიშნულებით იგზავნიებიან ფიზიკურ სამუშაოებზე.

მათთვის დადგენილია 8 საათიანი სამუშაო დღე, არასრულწლოვნებისათვის კი 6 საათიანი.

6. ადმინისტრაციულ პატიმრობაში მყოფ პირებზე კვების პროდუქტები გაიცემა დადგენილი ნორმის მიხედვით.

7. დაპატიმრებულები უდავო წესით იხდიან სპეციალურ მიმღებში ყოფნისა და კვების ღირებულებას მიღებული ულუფის და შენახვის საბაზრო საფასურს.

**II. სპეციალურ მიმღებში მყოფი დაპატიმრებულების ძირითადი მოვალეობანი**

8. დაპატიმრებულები ვალდებული არიან ზუსტად დაიცვან სპეციალურ მიმღებში დადგენილი წესრიგი და შეასრულონ სპეც. მიმღების მუშაკის კანონიერი მოთხოვნები. დაიცვან სანიტარიულ-ჰიგიენური წესები, იქონიონ გარეგნული შეხედულება, დაიცვან სისუფთავე საკანში. თავაზიან ურთიერთობაში იყვნენ სპეციალური მიმღების მუშაკებთან და ერთმანეთთან, გაუფრთხილდნენ სახელმწიფო ქონებას. ადმინისტრაციის მითითების საფუძველზე რიგრიგობით იმორიგეონ საკანში, დაიცვან უსაფრთხოებისა და ხანძარსაწინააღმდეგო რეჟიმის წესები.

9. საკნის მორიგე ვალდებულია:

ა) თვალყური ადევნოს საკანში სისუფთავის დაცვას, დაგავოს და გარეცხოს საკნის იატაკი, გარეცხოს სასმელი წლის ავზი;

ბ) მიიღოს დაპატიმრებულებისათვის ჭურჭელი, თვალყური ადევნოს საკნის ინვენტარის და სხვა ქონების დაცვას;

გ) იზრუნოს, რომ სადამოს და ღამის საათებში საკანში იყოს შუქი.

დ) გაწმინდოს და დეზინფექცია გაუკეთოს ტუალეტს.

**III. სპეციალურ მიმღებში მოთავსებულ პირთა უფლებები**

10. დაპატიმრებულებს აქვთ უფლება:

ა) მიიღონ კვება და მატერიალურ-საყოფაცხოვრებო უზრუნველყოფა დადგენილი ნორმების შესაბამისად;

ბ) იქონიონ დასამინებელი ადგილი;

გ) სპეცმიმღების ადმინისტრაციის მეშვეობით შეიტანონ განცხადებები და საჩივრები;

დ/ წაიკითხონ გაზეთები, ჟურნალები;



ე) ისარგებლონ საკუთარი ტანსაცმლით სეზონის მიხედვით, თან იქონიონ პირსახოცი არა უმეტეს 50 სანტიმეტრის სიგრძისა, საპონი, კბილის ჯაგრისი, კბილის ფხვნილი ან პასტა, სავარცხელი, ცხვირსახოცი, სათვალეები ან პენსენე, პროტეზები ან ყავარჯნები /ინვალიდებისათვის/ სამედიცინო მუშაკის მიერ ნებადართული მედიკამენტები და

სხვა სამედიცინო საშუალებანი.

ჩამოთვლილი ნივთებისა და საგნების მიღება დაპატიმრებულებს შეუძლიათ თავისი ნათესავებისაგან.

ვ/ თან იქონიონ ჩაბარებული ფულის, ფასეულობისა და ნივთების ქვითრები.

4. სპეციალურ მიმღებში მყოფ დაპატიმრებულებს

**ეკრძალებათ:**

II. დადგენილი წესრიგისა და სიჩუმის დარღვევა საკანში და სპეციალური მიმღების სხვა სათავსოებში, მიმღების მუშაკებთან შეკამათება.

12. ყვირილი, საკნებიდან რაიმე საგნების გადაადგება, ფანჯრის რაფაზე ასვლა, სარკმელში თავის გაყოფა, კარების "ჭუჭრუტანას" დახურვა.

13. რაიმე წარწერებისა და ნიშნების გაკეთება კედლებზე ან მიმღებში არსებულ საგნებზე და ნივთებზე.

14. თან იქონიონ ფული და შენახვისათვის აკრძალული საგნები;

მიიღონ სპირტიანი სასმელები ან ნარკოტიკული ნივთიერებები.

თარიღი	დაკავებულთა გვარი და ინიციალები	ორგანიზაციის დასახელება, სადაც მუშაობდნენ დაკავებულები	დრო (საათი, წუთი)		ხელისმოწერები		შენიშვნა
			სამუშაოზე გაყვანის	სამუსაოდან დაბრუნების	დაკავებულთა მიღებაზე პასუხისმგებელი პირის	მორიგის, რომელმაც მიიღო სამუშაოდან დაბრ. დაკავებული	
1	2	3	4	5	6	7	8

დანართი №8

სპეცმიმღებში მყოფ პირთა ფიზიკურ

სამუშაოებზე გამოყენების აღრიცხვის



წიგნი

-----

დაიწყო -----

დამთავრდა -----

დანართი №9

ცნობა

-----

მიეცა მოქალაქე -----

(გვარი, სახელი, მამის სახელი)

მასზედ, რომ 199... წლის „----“, ----- 199.....წ.

„-----“, ----- მდე

----- რაიონის მოსამართლის

(დასახელება)

დადგენილების შესაბამისად იხდიდა

პატიმრობას -----

(სპეცმიმღების დასახელება)

სპეცმიმღების უფროსი, -----

(წოდება,

-----

გვარი და ხელმოწერა)

ბ.ა.

199... წლის „-----“, -----

